

隆昌縣志卷十二

古蹟 金石坊表附

人事代謝往來古今高臺曲池盡成陳迹後之人  
攄懷舊之蓄念發思古之幽情感觸心靈通乎遠  
近固宜然也隆邑樓峯毓秀聖水鍾靈時有隱君  
子風雅士隱見出沒於其間未可湮沒而不傳也  
他如巖號名巨池名五桂以及殘碑斷碣則又不  
得不略記梗概以為考古者援引之一徵也志

古蹟

隆昌縣志

卷十二

古蹟

柳溝書院縣西四十里宋李文淵建今廢

鄉校巖元人遺蹟縣東南見山川

五桂亭縣城南門內有池一區周圍百丈長橋如

虹池內有亭為明雲南提學胡克開別墅亭已橋尚存

名臣巖縣南三十里墨溪之西巉削壁立明陶望

齡書正直名臣四字二尺許刻於石相傳為御史

郭廉參議郭元柱題

石谿亭在縣南石谿橋左王士正漁洋詩話蜀隆

昌縣地名石谿橋有壁書一絕句云



桃花依舊放山青  
隱几焚香對畫屏  
記得當年春雨後  
燕泥時汚石谿亭

吳學使省欽和韻

巴渝煙雨荔支青  
曾倚蓬窓問玉屏  
一種詩情呢  
回首石谿橋畔石谿亭

杜廉使王林和韻

巴山雨後晚來青  
人在圖中看翠屏  
燕子巢空花落盡  
春風依舊短長亭

露冕依依柳色青  
漫將詩句寫雲屏  
石谿橋畔知

隆昌縣志

卷十一

古蹟

二

何處回首蒼茫載酒亭

查觀察禮和韻

天外雲山萬古青  
石谿橋畔冷苔屏  
落花紅雨傷  
春句幾度吟聲感舊亭

顧觀察光旭和韻

大我峯外幾峯青  
行盡岷江似別屏  
依舊桃花春  
水綠石谿人去已無亭

數莖白髮奈山青  
秋雨秋風冷畫屏  
閒與畫莊評  
邑乘無名詩史石谿亭



沈太守清任和韻

谿上春山放眼青  
畫闌紅燭醉銀屏  
鳥啼花落尋常事  
欲結漁洋詩話亭

李太守永祺和韻

雨過春嵐分外青  
何人點筆拂雲屏  
桃花開落空山裏  
惟有谿聲度野亭

富觀察德克進布和韻

風雨年年山更青  
畫中詩句落雲屏  
蠶叢舊事憑誰問  
留得乾坤一草亭

隆昌縣志

卷十二

古蹟

三

高司馬芝和韻

萬疊雲山入望青  
恍然身世到南屏  
年前殘雪梅花候  
人在孤山放鶴亭

谿亭重構舊山青  
亭外山花簇錦屏  
極目雲天重回首  
故鄉五百五長亭

楊刺史潮觀和韻

小春時候草還青  
玉壘行人入畫屏  
杳靄雲山何處是  
茂林啼鳥歇涼亭

蜀道天高萬點青  
一山一曲盡如屏  
石谿橋畔題



詩處何似臨卽春草亭

吳刺史蘩孫和韻

樓峯渺渺數峯青  
漱石泉飛挂錦屏  
芳草路迷人  
跡斷詩魂猶遶舊谿亭

凌明經鳳翥和韻

太元經度小樓青  
玉剪曾縈山字屏  
知是何人工  
刻畫香泥移點蜀谿亭

舊巢重掃柳條青  
又放春痕上蘚屏  
見說風流賢  
令尹別將妍唱擅吟亭

隆昌縣志

卷十二

古蹟

四

翰墨紛紛供削青  
散衙花底擁提屏  
網羅名勝歸  
編載不是尋常風月亭

陸明經炳和韻

燕不尋巢春自青  
看山空復羨如屏  
阿誰逃却桃  
源路腸斷谿橋是阮亭

徐明府鼎亭和韻

蜀江水碧蜀山青  
春雨年年濕錦屏  
詩史到今傳  
軼事啼殘杜宇石谿亭

樓峯城外草青青  
半入紅塵半翠屏  
待數歸程花



縣過一腔古意夢郵亭

李明府元奮和韻

萬疊奇峯未了青  
美人踪跡隔雲屏  
隆橋驛外石谿水  
今古含情是此亭

吳明府映白和韻

晴山新洗佛螺青  
雲態花容入錦屏  
攬勝最宜招客飲  
石谿亭是醉翁亭

趙明府憲高和韻

葳蕤蒲徑草痕青  
點染谿山幾幅屏  
名跡重開觴

隆昌縣志

卷十三

古蹟

五

詠地右軍未許擅蘭亭

段明府玉裁和韻

彩雉朝飛宿麥青  
春寒料峭入雲屏  
桃花流水仙源路  
合著詩人一草亭

臧明府榮青和韻

石谿橋畔草青青  
谿外春山列翠屏  
流水桃花白千古  
雪泥鴻爪一孤亭

摩挲斷簡眼偏青  
雅集重開六六屏  
贏得新詩題壁滿  
他年佳話播旗亭



李明府德舉和韻

谿水長流石氣青  
騷人吟徧小圍屏  
當年寓意憑誰問  
消受清風竹外亭

凌明府夢曾和韻

阿誰詩骨斲山青  
零落殘篇蝕篆屏  
一自尙書吟賞後  
清光合並露香亭

劉明府逢泰和韻

峯峯遠眺入雲青  
流水桃花遶石屏  
記得隆橋風物好  
幾時重訪舊谿亭

隆昌縣志

卷十二

古蹟

六

四時風暖草常青  
蜀國雲山疊錦屏  
最是伊人吟不厭  
半林殘照落空亭

夢裏江南一髮青  
五湖煙水做雲屏  
遂初時把樓峯志  
春雨香泥憶廢亭

周明府成濬和韻

幾度遙山遶檻青  
賞音人去但空屏  
百年風雅須料理  
重取微言問考亭

高明府上桂和韻

石谿環望四山青  
依舊桃花點翠屏  
佳句爭傳人



已遠夕陽何處訪空亭

徐明府士勳和韻

城南官柳總青青黛拂闌干翠鎖屏驛騎經過頻  
悵望風光不似畫烏亭

元明府時和韻

芳原初見柳絲青細雨斜風冷竹屏我亦江山流  
寓者不堪回首是離亭

張明府兆星和韻

清香杳渺人谿青難把幽懷上紙屏借問石谿倦

隆昌縣志

卷三

古蹟

七

遊客爲誰憔悴卧林亭

楊明府宗岱和韻

雲多不碍舊山青小雨春寒濕翠屏橋畔有人歌  
妙曲相將賭句上旗亭

湯參軍健業和韻

壽世書成付汗青循良應上

御前屏劇憐竹屋蕭蕭夜撫拾殘編到阮亭數株衰柳  
爲誰青檻外山光似錦屏爲問西川于役者幾人  
曾說草元亭



唐叅軍肇豫和韻

江山遙峯一抹青天光倒影落雲屏憑襟軒豁江  
天外忽憶曾遊碧照亭

聯吟竹屋一燈青舊許名高九叠屏他日輶軒風  
續采劍南首數石谿亭

吳中翰洁恆和韻

攀蘿踏徧曉山青古岸橫橋人畫屏啼鳥自來還  
白去遊人指點舊詩亭

謝孝廉昕和韻

隆昌縣志

卷上

古蹟

八

隄柳猶綠草猶青漠漠谿山澹畫屏太息音塵長  
歇絕千秋心跡夕陽亭

劉別駕斌和韻

當年紅雨點山青遊侶招尋入畫屏此日扶輪推  
大雅問誰同調倚松亭

凌國學學會和韻

茶杯小任又山青谿口衙衙列石屏料得筭輿頻  
到日搜尋殘墨立空亭

凌瑞珠和韻



小桃齊放舊梢青  
婉嬾遙嵐做翠屏  
約略百花潭畔見  
畫橋紅影落谿亭

案歲在乙未雲駿纂輯邑乘錄漁洋詩話一則和無名氏絕句云

水流采采草青青  
一片風光接玉屏  
春雨又開花半樹  
飛鴻幾度短長亭

時和者甚盛歷城朱明府琦次韻四首云

羣峯不改雨餘青  
題字雲迷九疊屏  
却怪懷巢新燕子  
春來依舊覓空亭

隆昌縣志

卷十二

古蹟

九

偶逢佳句眼還青  
七字流傳自玉屏  
不是吾家多好事  
遺踪誰訪石谿亭

村村花柳野煙青  
遺墨消磨虛翠屏  
好傍谿山佳絕處  
更臨略約結茆亭

春山長繞縣門青  
尙憶高齋六尺屏  
過客匆匆成潤別  
無緣畫壁向旗亭

來札云海鹽朱爾邁人遠令西蜀於隆昌道中石谿橋見石壁上聖書絕句遂爾流播今畫莊復爲蓋亭徵詩鐫石故拙稿次首中有吾家好事之語



烏程凌東園鳳翥自註其一作云王新城司寇漁  
洋詩話所載無名氏石谿亭絕句一首與晚唐儲  
嗣宗小樓詩大致略同但易落句大元經作石谿  
亭耳乃司寇旣存儲詩於所選洪氏萬首絕句中  
而復錄此詩於詩話中可知人苟工詩當其興致  
所寄卽取古人名句移易一二字便覺風趣頓殊  
作者旣無嫌刻畫古人識者正不妨並存而互錄  
也

紫巖

明熊球未遇時於道觀坪草野得一物紫色似石  
非石似鐵非鐵叩之有聲旋瘞土中乾隆二十五  
年前令于中行掘得之置署齋前榜其齋曰紫巖  
系以銘曰錚錚者釜磊磊者石奚以完汝璞而今  
得加諸膝抑近代之玩也與自古在昔署令朱孝  
純過紫巖作攝篆曾嗟吏治紛三年踪跡亦行雲  
官橋辛若蹄沔在楊柳依依識使君旱魃當年偶  
作災流離婦子倏堪哀爲憐夜禱金鵝水親見神  
魚跋浪來訟庭會此坐鳴琴松桂蒼蒼接野陰鐵



柱峯前冰月在應知勞吏撫民心邑令朱雲駿紫  
巖詩卷石勢嶙峋蒼然立煙磴乳泉漱其根松風  
滿清聽何年泗濱浮戛擊聲如磬又紫巖梅詩蕭  
蕭冷蘂映蒼苔破寂山窻樹半開侵曉卷簾雲黯  
沒隋寒踏雪鳥遲回一枝遠寄江關阻上番先看  
歲序催雙鬢自憐同縞素春光次第趁人來又與  
家思堂坐談梅花下太守麾五馬廼署居士銜此  
邦有遺愛枉顧來紫巖梅花適盛放色相空塵凡  
音何必廢觀水不厭著鹽居士與太守分別惟巾

隆昌縣志

卷十二

古蹟

十一

衫了知第一義相對叅華嚴

北關外有古坊石柱上鏤二聯一云父子黃甲兄  
弟青雲一云受御史披胆瀝肝任卽官甘雨和風  
側有小書之芳書三字因剝蝕無考

又百步外有古坊上鏤詩五首摘句二聯後款落  
崇禎七年孟夏月望日吉並無姓氏可考詩附後  
橫弄昇平笛閑敲石履鞭行行牛角上猶掛古人

編

月映溪頭潤溪涵月色光一方心共白萬里慶流



長

蟋蟀鳴牀頭夜眠不成寐起閱案前書西風拂庭  
柱

瑞雪飛瓊瑤梅花靜相倚獨占三春魁深涵太極  
理

李真宅子故依然道院西邊古洞前一日身遊八  
百里三番花落九千年

蒼苔濁酒林中靜碧水春風野外昏

巖花點寒溜石磴掃春雲

隆昌縣志

卷十二

古蹟

三

南關外有貞烈坊係郭懋宏妻楊氏之坊泰昌元  
年奉旨旌表縣令古魯王化賢爲題聯云芳名擅  
一時總爲能舍生取義節烈傳千古由來在立嗣  
全盟其一面額上有世膺褒封四字旁注郭景秀  
郭廉郭應誠郭維新郭鎮北郭元柱等誥封下額  
有世中經元四字旁注正統辛酉科第四名禮魁  
郭維新隆慶庚午科第三名詩魁郭元柱有二聯  
云富順隆昌兩縣開科孫應祖葩詩禮記二經魁  
蜀後光前禮樂衣冠第詩書忠孝家



鵝湖砥柱坊在南關外鎖江橋頭上係明題學邑人胡克開題并書

報恩坊前令朱治隆立

袞封坊前令孫應祖立

正覺坊在正覺寺明王洪謨建禮部郎中郭鎮北題

普照坊在普照寺萬曆甲辰勅建大學士申時行記見藝文

布政坊縣治東三里爲熊應占立

隆昌縣志

卷三

古蹟

三

科甲聯芳坊在南鄉郭書宅前坊鐫祖孫父子兄弟叔姪科甲聯芳明侍讀學士黃輝

巴蜀通衢坊前令于中行立

敘南重地坊前令黃文理立

騰蛟起鳳坊在文廟街

金鵝書院坊在書院前與騰蛟起鳳相對

紫巖齋三韓楊君慰農以榜其署之花廳囑署任浚城張君雲行書之爰系之銘曰鐵似石耶確乎不拔石似鐵耶閭而彌彰吾烏知非星精之所寄



混跡瓦礫而傲睨夫琳琅

節孝坊在石燕橋王文明妻李氏乾隆三年

旌表

節孝坊在北鄉賈石井雷首魁妻劉氏乾隆三年

旌表

節孝坊在南城外生員郭復新妻吳氏乾隆三年

旌表

節孝坊在北關外晏校妻喻氏乾隆四十八年

旌表

隆昌縣志

卷十三

古蹟

古

節孝坊在北關外道觀坪郭玉响妻潘氏道光十

二年

旌表

節孝坊在北關外郭世蕃妻陳氏道光十四年

旌表

節孝坊在北關外道觀坪曾存釗妻羅氏咸豐元

年

旌表

節孝坊在北關外華永洸之妻羅氏咸豐二年



旌表

節孝坊在北關外道觀坪黃遠桂妻汪氏咸豐四年

旌表

節孝總坊在南關外春牛坪名次一百八十六咸豐五年

旌表

五世同堂坊在南關外春牛坪余大隆妻李氏道光二十六年

隆昌縣志

卷三

古蹟

五

旌表

三楚福地坊在北關外禹廟前道光十二年建

德政坊在北關外道觀坪道光二十四年為邑侯

牛樹梅建

懋棠留蔭碑在南關外春牛坪道光二十四年為

邑侯牛樹梅暨

德政坊在北關外道觀坪道光二十五年為邑侯

劉光第建

德政坊在北關外道觀坪咸豐二年為邑侯張敏



行建

孚惠亭在北關外道觀坪咸豐二年為邑侯張敏  
行建

德政坊在南關外春牛坪咸豐四年為邑侯李吉  
壽建

德政坊在北關外道觀坪咸豐五年為邑侯肅慶  
建

德政碑在學署前咸豐四年為教諭楊大成監

隆昌縣志

卷三

古蹟

六





孝廉坊

在縣東五里為邑人王夢桂子一世父子孝廉所鑄巖壁中有中流砥柱四字

古佛場

在縣南關外一里沿河上有古坊書金鷲名刹四字明萬曆時建場廢坊存

墨泉

在城西半里許鎖江橋下

渝瀘通衢坊

在土地坎下乾隆乙卯秋建

龍門坡

在縣北四十里巖上鑄龍門二字其字長大約六尺餘道勁挺拔

孝子總坊

為劉騰龍陳先典朱佐耀華遠容晏

紹景立在縣北關外咸豐六年

旌表

節孝坊

為劉天恆妻郭氏立在迎祥街同治七

隆昌縣志

卷三

古蹟

七

年

旌表

肅清河道碑

在春牛坪為永甯道恩秋舫建

好惡同民碑

在春牛坪為瀘州周東渠建

除暴安良碑

在春牛坪為少山觀察延建

政通人和碑

在春牛坪為邑侯國璋建

保赤誠求碑

在道觀坪為邑侯國璋建

鋤莠安良碑

在道觀坪為永甯道恩秋舫建

誠求必應碑

在洞坎上道光十八年邑令薛為祈雨建 歲



鷺洞飛雪碑 在洞坎上道光九年邑令李盤建

雲峯塔 城南五里土地坎雲峯關內道光七年建  
外有題名處匾式內有天開文運字跡中

塑文昌關聖川王觀音  
奎星神像詩見藝文

廻龍塔 南關外里許小洞坎上乾隆二十四年建  
中有扶搖直上奎壁聯輝太乙星臨文治

光華字跡  
詩見藝文

誌孝碑 在廻龍觀文昌殿左銘見藝文

誌友碑 在廻龍觀文昌殿右銘見藝文

一門三元坊 在北關外為邑侯朱雲駿建或云其  
地關邑文風三科未中廢之今無

德政坊 在北關外同治十二年六月建

隆昌縣志 卷十三 古蹟 六

德政坊 在南關外春牛坪同治十一年為邑侯

國歡建

節孝坊 在縣南六里為余日讚妻葉氏立同治

三年

旌表

龍門勝蹟坊 在廻龍觀左

石印遺徽坊 在廻龍觀右